




中國第一歷史檔案館藏

清代起居注冊

雍正朝

中華書局

雍正七年閏七月至七年八月

清代起居注冊・雍正朝



第二四冊



目錄

雍正七年閏七月·····

二九二九

雍正七年八月·····

二二六一

雍正七年歲次己酉閏七月初一日癸酉

上諭大學士九卿曰易經云立天之道曰陰與陽
立地之道曰柔與剛立人之道曰仁與義仁義
雖分而其理則一天下之人但知仁主於慈義
主於斷仁主於寬義主於嚴以爲仁義各有其
用而不知其相資相濟而不可須臾離也盖有
仁而無義則其所謂慈與寬者亦婦人之仁耳

豈得謂之仁乎且不但不得謂之仁並有害於
仁以其姑息之愛不合於事理當然之則也孔
子曰惟仁者能好人能惡人蓋其所好所惡必
合於事理之宜而後天下享仁人之福所謂殺
一人以安千萬人義之至正所以為仁之至也
即如剪除盜賊義也然盜賊既除則良善得寧
豈非仁乎懲創兇頑義也然兇頑既懲善者益

勉於善而不善者且相率而遷於善豈非仁乎
其餘互相爲用之處皆可以此類推其分仁與
義爲二而不能融會貫通者則見理不透之故
也又內閣奉

諭旨從前收參俱派京堂一員前往辦理去年曾
派盛京侍郎王朝恩監收今年或應派京堂前
去或仍派盛京堂官監收之處著怡親王與大

學士等議奏又刑部議畧江西巡撫張坦麟奏
寧部縣已革生員李含標抗糧毆差羅脩奇
等鼓衆罷市一案羅脩奇依律擬軍該犯身
罪潛逃照加等律擬以絞罪李含標等俱擬
以杖罪查李含標以抗糧被禁羅天榮等主
使羅脩奇鼓衆罷市迨拿獲羅脩奇之時羅
日章又誘令差役縱放是李含標羅天榮等

身恃衿監結黨逞兇挾制官府情弊顯然何
得一任巧供將羅脩奇作為首犯而行賄主
使之羅天榮等悉予薄罰情罪均未允協應
令該撫另委賢員確審妥擬到日再議一既
大學士馬爾賽張廷玉蔣廷錫奉

諭旨依議此案張坦麟定擬甚屬疎縱部駁甚是
是日

起居注官覺羅吳拜吳家驥

初二日甲戌內閣奉

上諭湖南布政使趙域為人謹慎小心但自蒞任以來未見有實在裨益地方之處今年各處雨澤調勻惟聞湖南夏月民間望雨甚切昨趙域具摺奏事並未言及但稱湖南風俗澆漓請於省城建立書院教以進退威儀以為化導人心

之政夫湖南一省士民甚衆道里甚廣豈一二書院便能化導轉移者且趙城自翰林出身歷官多年至於藩司大員之職而伊奏摺自稱迂腐書生觀其所奏之事不能探本窮源切求民務而陳奏之辭又不得體則其識見之卑淺無能可知趙城不稱布政使之任著調來京以應補之京堂員缺請旨補用湖南布政使員缺着

貴東道楊永斌補授貴東道員缺著總督鄂爾
泰於屬員內揀選題補其題補所遺之缺亦著
鄂爾泰通行揀選具題署江西巡撫內閣學士
張坦麟每事瑣屑不知大體不稱巡撫之任著
調回衙門辦事江西巡撫印務著署河南布政
使謝旻署理張坦麟俟謝旻到任後起身來京
河南布政使員缺著福建布政使趙爾巽調補

福建布政使員缺著福建按察使潘體豐補授
福建按察使員缺著鹽驛道孫國璽補授鹽驛
道員缺著該督撫於道員內揀選調補其所遺
之缺亦著該督撫於知府同知內通行揀選具
題又奉

上諭凡外任文武官員因公呈誤革職者朕恐其
人材尚屬可用而罷黜之由乃限於定例不忍

使之廢棄終身是以格外施恩於部議革職之時往往酌量降旨令其交代後該上司出具考語送部引見此朕愛惜人材體恤下情之意惟是外官在任叅罰之案常多每有先經革職奉旨來京引見之員陸續又有別案革職者此等官員著該部查明若續叅之案情罪重於前案非係因公呈誤則不應帶領引見若後案仍係

因公呈誤與初叅革職之案情罪相同仍著帶領引見於奏摺內將該員共有處分幾案之處聲明候旨又奉

諭旨副都統那秦之缺著馬爾齊兼管盛京烏喇兵丁賞給那秦之子銀一千兩著將伊父骸骨搬回是日吏部帶領降調同知甘士琇引

見奉

諭旨甘士瑋著記名遇有同知缺及揀補同知時

爾部帶領引見

是日

起居注官國璉陳惠華

初三日乙亥內閣奉

上諭訓練營伍之道必技藝精熟方有濟於實用

聞直隸地方營汛中鎗手演習時

欽此

未裝入鉛子打靶一次似此則信

手高低漫

準則何由純熟而成必中之技直隸幾處如此
則通省可知直隸一省如此則外省可知嗣後
著通行直省督撫提鎮等轉飭所屬於練習火
器之時用鉛子打靶演熟準頭則火器皆成利
用於營伍實有裨益特諭又奉

諭旨前有旨令總督李衛在任守制給假兩個月

料理伊母喪事今據李衛摺奏伊母喪期俟九月內方可完畢著照所請將伊母喪事料理妥協再回總督之任又吏部奏請補授翰林院侍讀員缺一疏大學士馬爾賽張廷玉奉

諭旨勵宗萬補授翰林院侍讀又奏請補授右春坊右中允員缺一疏奉

諭旨戴瀚補授右春坊右中允又翰林院奏請署